

Թէպէտեւ հրաւիրեցին ազգայինք զԿիրակոս Եպիսկոպոս դաւ 'ի Կոստանդինուպօլիս, այլ նա ոչ կամեցաւ երթալ 'ի կոչ նոցա այլ և այլ պատճառանօք, եւ զինի աւուրց ինչ ընտրեցաւ Պատրիարք Աթուոյն Երուսաղէմի 'ի նոյն իսկ 'ի գլխաւորաց ազգին՝ ակնարկութեամբ Պօղոսի եւ հաճութեամբ Խորհրդականաց: Եւ 'ի սոյն միջոցի ազգային տուրքն յանուն Ճեմարանի բարձրացաւ 120,000 դահեկանի:

Կիրակոս Եպիսկոպոս որդի Մնացականի Երուսաղէմացի, աշակերտ հոգեւոյս Միքայէլ Եպիսկոպոսի Առաջնորդի Ագրիանուպօլսոյ, ուր էր և եղբայր իւր Գէորգ վարդապետ (1811): Զեռնադրեալ է Կիրակոս յամին 1807, և յամին 1811 ելանէ յԱդրիանուպօլսոյ յաջորդել Մեսրոպ Եպիսկոպոսի և դայ յերուսաղէմ:

Իսկ Միքայէլ Եպիսկոպոս էր աշակերտ Յակոբ Պատրիարքի Կոստանդինուպօլսոյ, որ հանգեաւ 1810: Իսկ Ամիրայք յետ ընտրութեան Կիրակոս Եպիսկոպոսի, առին 'ի Դրանէ զՊատրիարքական Պերաթն եւ առաքեցին զայն յերուսաղէմ 'ի ձեռն Յովհաննէս վարդապետի Զէյթինեան, և Կիրակոս նստաւ յԱթու Պատրիարքութեան յաւուր տօնի Քառասնօրեայ դալստեան Տեսուն 'ի Տաճարն, ('ի 14 Փետրվարի. 1847):

Կիրակոս Պատրիարք խնամ կալաւ գլխաւորել զչինութիւն Պաղչա Թաղին, զոր հիմնարկեալ էր նախորդն իւր Զաքարիա Պատրիարք, 'ի սէտս բնակութեան ուխտաւորաց: Սա ետ ոսկիզօծել մաքուր ոսկով զբովանդակ խաչկալս խորանաց և ամպիոնաց Ս. Յակոբայ, Հրեշտակապետի, և Ս. Ծննդեան, որք մնացեալ էին յաւուրց անտի բարեյիշատակ Գրիգոր Շղթայակիր Պատրիարքի: Եւ 'ի սոյն միջոցի դարձեալ դայր 'ի նուիրակութենէ աշխարհին Հրեհաց լի արդեամբ Գաղատացի Սահակ վարդապետ, զոր առաքեալ էր Զաքարիա Պատրիարք, ընդ սարկաւազ Սարգսի ('ի 12 Մայիսի. 1842): Եւ նորա հասեալ 'ի ձիտտէ քաղաք ծովեզերեայ՝ յանկարծ դիպուածով վախճանի անդ, 1847. 'ի 10 Մայիսի, և Թաղի յօտար երկիր, զորոյ ոսկերս յետ ժամանակաց բերին յերուսաղէմ և ամիսփեցին 'ի գեղեզմանս հասարակաց. յ30 Օգոստոս, 1856: Լուեալ Կի-